

## **LIEBI MINUS NULL / GRÄNZELOS**

Text: Bob Dylan (Übertragung Martin Hauzenberger)

Si bruucht kei Wort für z rede:  
Ohni Sprüch, s versteits nid jede.  
Si mues nid säge, dass si tröi isch,  
Si isch ächt wi Fүүr, wi Ys.  
D Lüt verschänke Rose,  
Versprüche Zүүgs u Sache,  
Si cha wi d Blueme lache,  
Mit Gschänkli choufsch se nid.

I de Bahnhöf, i de Läde  
Ghörsch d Lüt vom Läbe rede;  
Es übertönt e jede jede  
Mit Zitat vo frömde Lüt.  
Paar rede vo der Zuekunft,  
Si redt nume lysli,  
O si zahlt jede Schritt mit Fähler,  
Und e Fortschritt sy die Fähler nid.

Es wären all gärn d Sieche,  
Wo alles besser mieche,  
Aber we di Grosse mischle,  
Blybt de Chlyne nume d Wuet.  
D Heldestatue chrache,  
Wi Cheigle lüpfte die Kinge.  
Si lat sech nid druusbringe:  
Für Vorurteil kennt si d Lüt z guet.

D Brügg fat ir Nacht aa tanze,  
Der Landarzt geit ga schwanze,  
Di bessre Lüt wäre gärn besser,  
E wise Rat isch, was me wett.  
Der Wind hüült wi ne Hammer,  
U d Nacht isch chalt, u s schiffet.  
Si sitzt da wi ne Vogel,  
Wo ne Flügel bbroche het.